

- लोकसभा चुनाव रा दूजा दौर रा तहत प्रदेश रा 13 संसदीय हलकां मांय चुनाव प्रचार जोर पकड़्यो- न्यारा-न्यारा राजनीतिक दलां रा स्टार प्रचारक जनसभाएं कीनी।
- सतरंगी सप्ताह रा तहत दिव्यांगजन ट्राईसाइकिल रैली निकाळ र मतदान रो संदेश दीनो।
- मुख्य न्यायाधीश डॉ. डी वाई चंद्रचूड़ कह्यो- नुवा आपराधिक कानून तब ही सफल व्हेला, जद देश रा नागरिक वां ने अपनावेला।
- मौसम विभाग काल ऊं एक नुवा पश्चिमी विक्षोभ रा असर ऊं बीकानेर संभाग मांय आंधी-बारिश री संभावना जतायी।

000

लोकसभा चुनाव रा दूजा दौर रा तैत प्रदेश रा 13 संसदीय हलकां मांय 26 अप्रैल ने व्हेवण वाळा चुणाव सारू प्रचार रो काम जोर-शोर ऊं चाल रह्यो है। आज भारतीय जनता पार्टी रा आला नेता अर केन्द्रीय गृहमंत्री अमित शाह शाहपुरा जिला रा शकरगढ अर कोटा मांय पार्टी रा उम्मीदवारां री हिमायत मांय जनसभावां ने सम्बोधित कीनी। ई दौरान शाह मोदी सरकार री उपलब्धियां गिणाता थकां वोट जरूर देवण री अपील कीनी। उत्तर प्रदेश रा मुख्यमंत्री योगी आदित्यनाथ चित्तौडगढ मांय रोड़ शो कर र जनसभा ने सम्बोधित कीनी। वे कांग्रेस माथे देश री हिफाजत अर आस्था सागे खिलवाड करण रो आरोप माण्ड्यो। राज्य री पैली वाळी मुख्यमंत्री वसुंधरा राजे छबडा मांय कार्यकर्तावां री मीटिंग लीनी। राज्य रा एक और पैली वाळा मुख्यमंत्री अशोक गहलोत छीपाबडौद मांय मांय राख्यी ज्यी जनसभा मांय कांग्रेस रा न्याय पत्र रो जिक्र कीनो। प्रदेश कांग्रेस अध्यक्ष गोविन्द सिंह डोटासरा ई जनसभा ने सम्बोधित कीनी।

000

लोकसभा चुनाव रा पहला दौर रा तैत प्रदेश री 12 संसदीय सीटां माथे करीब 57 दशमलव 88 फीसदी वोट पड्या। आं सीटां माथे लारला लोकसभा चुणाव रे मुकाबले करीब 6 फीसदी कम वोट पड्या। सब ऊं बत्तो सवा 66 फीसदी मतदान गंगानगर लोकसभा हलका मांय व्ह्यो जद के करौली-धौलपुर हलका मांय सब ऊं कम 49 दशमलव 71 फीसदी मतदाता वोट देवण रो हक इस्तेमाल कीनो।

000

प्रदेश मांय लोकसभा चुणाव रा दूजा दौर रा तैत 26 अप्रैल ने व्हेवण वाळा चुणाव वाळा 13 हलकां मांय वोट देवण बाबत् जाग जगावण सारू न्यारा-न्यारा कार्यक्रम राख्या जा रह्या है। आज जालौर मांय स्वीप कार्यक्रम रा तैत दिव्यांगजन ट्राईसाइकिल रैली निकाळ र वोट जरूर देवण रो संदेश दीनो। टोंक मांय सतरंगी सप्ताह रा तहत हर्या रंग री थीम ge Hkh I {ke & jk"V' Hkh I {ke रा तैत कलेक्ट्रेट परिसर ऊं पुलिस लाइन ग्राउंड ताई ट्राईसाइकिल रैली निकाळी ज्यी अर वोट देवण री सौगंध दिरायी ज्यी। सांचौर मांय निकाळी ज्यी ट्राईसाइकिल रैली मांय शामिल दिव्यांगजन मतदान दिवस सूचना ऊं जुड्या होर्डिंग अर बैनर ले र 26 अप्रैल ने सगळा पात्र मतदातावां ऊं वोट देवण री अपील कीनी। भीलवाड़ा मांय मतदान रो प्रतिशत बधावण रा मकसद ऊं रंगोली अर पोस्टर बणावण समेत न्यारा-न्यारा कार्यक्रम राख्या जा रह्या है। वठे वोट देवण बाबत् जाग जगावण रा मकसद ऊं नुक्कड नाटक ई राख्या जा रह्या है। आसींद मांय 5 हजार राख्या बणायी ज्यी है जो महिलावां लोगां री कलाई माथे बांध र वोट देवण री अपील करेला। बारां मांय विशेष योग्यजन ट्राईसाइकिल रैली निकाळी ज्यी, जिण मांय वोट देवण रा नारा लगाता थकां वोट देवण री अपील करी ज्यी। वठे मानव श्रृंखला बणा र ई वोट देवण री अरज करी ज्यी। झालावाड रा भवानी मण्डी मांय दिव्यांगजन री ट्राई साइकिल रैली निकाळी ज्यी अर मौजूद लोगां ने वोट देवण री सौगंध दिरायी ज्यी। प्रतापगढ में ge Hkh I {ke & jk"V' Hkh I {ke री थीम परां ट्राईसाइकिल रैली निकाळी ज्यी।

000

लोकसभा चुनाव सारू डूंगरपुर जिला मांय लगायी ज्या सामान्य प्रेक्षक वीरेंद्र लाठर आज माइक्रो ऑब्जर्वर्स री मीटिंग लीनी। वे स्वतंत्र अर निष्पक्ष चुनाव करावण मांय माइक्रो ऑब्जर्वर रा काम ने खास बताता थकां मतदान केंद्र माथे पूरा काम काज री बारीकी ऊं निगराणी राखण बाबत् कह्यो। लाठर पर्यवेक्षकां ने वोट देवण रो काम सारू व्हेवण ऊं एक घंटा पैली आप-आप री ड्यूटी वाळा मतदान केन्द्र माथे पूगण रा हुकम

दीना। बूंदी मांय दिव्यांग अर दूजा मतदान अधिकारियां री सिखावण रो कार्यक्रम पूरो व्हयो। ई दौरान सगळा ने इलेक्ट्रोनिक वोटिंग मशीन ऊं जुडी व्यावहारिक सिखावण दीरीजी।

000

लोकसभा चुनाव मांय वोट देवण बाबत् जाग जगावण सारु आकाशवाणी समाचार जयपुर री ओर ऊं संदेश श्रृंखला चलायी जा रही है। आप संदेश रिकॉर्ड कर र या टाइप d र म्हाणा व्हॉट्सअप नम्बर 94140-52368 माथे भेज सको हो। चुणी ज्या संदेश म्हाणा न्यारा-न्यारा समाचार बुलेटिन मांय भेळा कर्या जावेला। आज पेश है जोधपुर जिला रा अलादीन.धुन्धाडवी रो संदेश-

-----

000

मुख्य न्यायाधीश डॉ. डी वाई चंद्रचूड़ कह्यो है के नुवा आपराधिक कानून लागू व्हेवणो ओ बतावे है के देश बदल रह्यो है अर आगे बढ रह्यो है। वे आज नई दिल्ली मांय राखी ज्या एक सम्मेलन मांय बोल रह्या हा। चन्द्रचूड़ कह्यो के भारतीय न्याय संहिता, भारतीय नागरिक सुरक्षा संहिता अर भारतीय साक्ष्य अधिनियम - आं तीन ई आपराधिक कानूनां रो लागू व्हेवणो ओ बतावे है के देश आपराधिक न्याय प्रणाली मांय खास बदलाव सारु तैयार है। वे ओ ई कह्यो के अ सगळा नुवा कानून देश रा हर रहवासी कानी ऊं अपनावण री सूरत मांय ई सफल व्हे सकेला।

000

जैन धर्म रा 24 वां तीर्थंकर महावीर स्वामी री जयंती काल मनायी जावेला। ई मौके राज्यपाल कलराज मिश्र जनता ने शुभकामनावां दीनी है। राज्यपाल भगवान महावीर रा बताया सांच, अहिंसा अर अपरिग्रह रा गेला ऊं सीख लेवण री अपील कीनी। राज्यपाल वां रा संदेश मांय कह्यो के भगवान महावीर प्रेम, दया अर करुणा रा ज्यीं गेला माथे चालण रो संदेश दीनो वां माथे चाल र सगळां ने आदर्श अर समरस समाज बणावण मांय योगदान देवणो चाहिजे।

000

बून्दी मांय जिला विधिक सेवा प्राधिकरण अर बाल अधिकारिता विभाग री ओर ऊं बाल विवाह निषेध अभियान रा तहत रामनगर मांय जागरूकता कार्यक्रम राखी ज्यो। जिला विधिक सेवा प्राधिकरण सचिव सुमन गुप्ता बतायो के कार्यक्रम रे दौरान बाळपणा मांय ब्याह रा नतीजा, ऐडो करण परां सजा रा प्रावधान, ऐडा ब्याह रूकवावण री प्रक्रिया री जाणकारी दीरीजी। वे बतायो के टाबर-टाबरियां रा ब्याह रा जळसा व्हेवण री ठा पड्यां जिला प्रशासन, जिला विधिक सेवा प्राधिकरण, उपखण्ड अधिकारी या तहसीलदार ने जाणकारी दे र ऐडो ब्याह रूकवायो जा सके है। कार्यक्रम मांय टाबर-टाबरियां रा ब्याह रोकण री सौगंध दिरायी ज्यी।

000

राज्य रा ऊगणी हलकां मांय दिन री बगत तापमान सामान्य ऊं ऊंचो रेहवण लाग्यो है। सब ऊं बत्तो 42 दशमलव 3 डिग्री सेल्सियस तापमान कोटा मांय दर्ज करी ज्यो। आज करौली जिला मांय दोपहरां पाछे केई ठौड़ां आंधी चाली। ई बीच बीकानेर संभाग रा कुछ हलका मांय हल्की बारिश व्ही। मौसम विभाग रे मुजब काल ऊं पश्चिमी विक्षोभ रा असर ऊं बीकानेर, अनूपगढ़, श्रीगंगानगर, हनुमानगढ़, चुरु, नागौर अर आरे-सारे रा हलका मांय आंधी चालण अर बिरखा व्हेवण रा आसार है। 22 अप्रैल ने ई बीकानेर अर जयपुर संभाग रा कुछ हलकां मांय आंधी चालण अर बिरखा व्हेवण री संभावना है।

000

अलवर जिला री बानसूर थाना पुलिस नुवी पहल करता थकां थाणा रा लांगरी री बेटी रा ब्याह मांय मदद कीनी है। बानसूर रा डीएसपी, थाना अधिकारी अर जवान ब्याह मांय एक लाख 51 हजार रूप्या नकद अर सोना-चांदी रा जेवर उपहार मांय दीना। थाना अधिकारी अरुण सिंह चौधनी बतायो के बींदणी री मां रे भाई नी है, ई कारण पुलिस वां री बेटी रो मायरो भर्यो। बानसूर पुलिस री ई पहल री लोग सराहवणा कीनी है।

000